



Broj: 01-16-12-1415-19 /22  
Banja Luka, 06.08.2023.godine

01-1-1  
07.02.23

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje BiH („Službeni glasnik BiH“ broj: 89/05), člana 64. stav (1) tačka a) i člana 70. stav (3) Zakona o javnim nabavkama („Službeni glasnik BiH“ broj: 39/14 i 59/22), Direktor Uprave za indirektno oporezivanje, d o n o s i

### ODLUKU

**o izboru najpovoljnije ponude u pregovaračkom postupku bez objave obavještenja za nabavku dijelova i opreme sa ugradnjom kao i vršenje usluge održavanja motornih vozila marke Škoda Regionalnog centra Tuzla - vozila u garantnom roku**

#### I

Najpovoljnijom ponudom u pregovaračkom postupku bez objave obavještenja za nabavku dijelova i opreme sa ugradnjom kao i vršenje usluge održavanja motornih vozila marke Škoda Regionalnog centra Tuzla - vozila u garantnom roku, ocjenjuje se ponuda ponuđača "**COSMOS COMMERCE**" d.o.o. Tuzla, Drage Karamana br.22, koji je dostavio cijenu ponude iskazanu zbirno po jediničnim cijenama u ukupnoj vrijednosti **1.339,98 KM bez PDV-a**, odnosno **1.567,78 KM sa PDV-om**, te se navedenom ponuđaču dodjeljuje ugovor.

#### II

Po okončanju roka za žalbu, ugovorni organ će sa izabranim ponuđačem zaključiti ugovor kojim će se regulisati međusobna prava i obaveze.

### Obrazloženje

Odlukom direktora broj: 01-16-12-1415/21 od 14.06.2022.godine odobreno je provođenje pregovaračkog postupka bez objave obavještenja za nabavku dijelova i opreme sa ugradnjom, kao i vršenje usluge održavanja motornih vozila Škoda Regionalnog centra Tuzla - vozila u garantnom roku.

Procijenjena vrijednost nabavke iznosi 8.000,00 KM bez PDV-a.

Komisija je dana 24.08.2022.godine pristupila otvaranju pristiglih ponuda.

Komisija je konstatovala da je na osnovu Odluke o provođenju pregovaračkog postupka bez objave obavještenja, upućen Poziv za dostavu ponude ovlaštenom serviseru za Škoda vozila ponuđača "**COSMOS COMMERCE**" d.o.o. Tuzla, Drage Karamana br.22, te da su osnovne informacije o predmetnoj javnoj nabavci objavljene na web stranici UIO.

Rok za dostavljanje ponuda istekao je dana 24.08.2022.godine u 12,00 sati.

Komisija je nakon isteka roka za dostavljanje ponuda propisanog u Tenderskoj dokumentaciji broj: 01-16-12-1415-1/22 od 04.08.2022.godine utvrdila da je blagovremeno dostavljena jedna ponuda, i to ponuda ponuđača: "**COSMOS COMMERCE**" d.o.o. Tuzla, Drage Karamana br.22, što je konstатовano i u Zapisniku sa otvaranja ponuda broj: 02-16-12-1415-7/22 od 24.08.2022.godine.

Po okončanju javnog otvaranja ponuda Komisija je nastavila sa radom, te na zatvorenoj sjednici pristupila preispitivanju kvalifikovanosti ponude u smislu da li je ponuđač dostavio sve dokaze propisane Tenderskom dokumentacijom, nakon čega je utvrdila da je isti u svojoj ponudi dostavio sve tražene dokaze i time ispunio propisane uslove.

Slijedom prednje navedenog, komisija je na drugu fazu pregovaračkog postupka bez objave obavještenja pozvala kvalifikovanog ponuđača "COSMOS COMMERCE" d.o.o. Tuzla, Drage Karamana br.22.

Dana 17.11.2022. godine na drugu fazu pregovaračkog postupka bez objave obavještenja za nabavku dijelova i opreme sa ugradnjom, kao i vršenje usluge održavanja motornih vozila Škoda Regionalnog centra Tuzla - vozila u garantnom roku, ispred ponuđača "COSMOS COMMERCE" d.o.o. Tuzla, Drage Karamana br.22, pristupio je predstavnik ponuđača Jasmin Jogunčić po ovlaštenju direktora od 15.11.2022. godine, a što je Komisija konstatovala u Zapisniku broj: 02-16-12-1415-9/22 od 17.11.2022.godine.

Nadalje, Komisija je u pomenutom Zapisniku konstatovala da je ponuđač "COSMOS COMMERCE" d.o.o. Tuzla, Drage Karamana br.22, u svojoj inicijalnoj ponudi dostavio cijene kako slijedi:

- Ukupna cijena ponude za nabavku dijelova i vršenje usluge održavanja motornih vozila marke Škoda Regionalnog centra Tuzla, vozila u garantnom roku iznosi 1.384,19 KM bez PDV-a, odnosno 1.619,50 KM sa PDV-om.

Cijena norma sata u KM bez PDV-a je:

- Rad autoelektričara 30,00 KM,
- Rad automehaničara 30,00 KM,
- Rad autolimara 30,00 KM,
- Rad autolakirera 30,00 KM,
- Usluge šlep službe 2,50 KM/km.
- Garancija za izvršene usluge i ugrađene dijelove 24 mjeseca,
- Cestovna udaljenost servisne radionice: od glavnog ulaza u zgradu RC Tuzla do servisne radionice i nazad 4,200 metara.

Na upit Komisije da li predstavnik ponuđača daje popust u odnosu na cijene iskazane u ponudi, predstavnik ponuđača je izjavio da daje popust u iznosu od 5% na cijene iskazane u početnoj ponudi broj: 23-08-33/22 od 23.08.2022.godine, a da uvjeti u pogledu garancije na izvršene usluge i ugrađene dijelove ostaju isti.

Komisija je pozvala predstavnika ponuđača "COSMOS COMMERCE" d.o.o. Tuzla, Drage Karamana br.22, da svoju konačnu ponudu dostavi u pismenom obliku (na propisanim aneksima) na protokol Uprave za indirektno oporezivanje, Središnji ured, Ulica Bana Lazarevića bb, Banja Luka, najkasnije do dana 22.11.2022.godine do 12.00 sati.

Dana 22.11.2022.godine održano je javno otvaranje konačne ponude u pregovaračkom postupku bez objave obavještenja za nabavku dijelova i opreme sa ugradnjom, kao i vršenje usluge održavanja motornih vozila Škoda Regionalnog centra Tuzla - vozila u garantnom roku.

U Zapisniku za otvaranja konačne ponude broj: 02-16-12-1415-11/22 od 22.11.2022.godine Komisija je konstatovala da je ponuđač "COSMOS COMMERCE" d.o.o. Tuzla, Drage Karamana br.22, za nabavku dijelova i opreme sa ugradnjom, kao i vršenje usluge održavanja motornih vozila marke Škoda Regionalnog centra Tuzla - vozila u garantnom roku ponudio cijene, kako slijedi:

1. Ukupna cijena konačne ponude 1.339,98 KM bez PDV-a, odnosno 1.567,78 KM sa PDV-om.
2. Operativni troškovi – Udaljenost servisa u odnosu na Regionalni centar Tuzla – 4.200 metara.

Cijena norma sata u KM bez PDV-a koje je ponuđač ponudio u konačnoj ponudi iznose:

- Rad autoelektričara 28,50 KM,
- Rad automehaničara 28,50 KM,
- Rad autolimara 28,50 KM,
- Rad autolakirera 28,50 KM.

Kako je tačkom 8. Tenderske dokumentacije u pregovaračkom postupku bez obavještenja za prikupljanje ponuda za nabavku dijelova i opreme sa ugradnjom, kao i vršenje usluge održavanja motornih vozila Škoda Regionalnog centra Tuzla – vozila u garantnom roku, propisano da se ugovor dodjeljuje u skladu sa kriterijem ekonomski najpovoljnije ponude, odnosno kvalifikovanom ponuđaču koji je dostavio najbolje ocijenjenju prihvatljivu ponudu u skladu sa kriterijem cijena ponude – 90% i

operativni troškovi 10%, te kako je ponuđač "COSMOS COMMERCE" d.o.o. Tuzla, Drage Karamana br.22, jedini dostavio ponudu koja je ocijenjena prihvatljivom, Komisija je dala preporuku direktoru UIO da se najpovoljnijom ponudom u pregovaračkom postupku bez objave obavještenja za prikupljanje ponuda za nabavku dijelova i opreme sa ugradnjom, kao i vršenje usluge održavanja motornih vozila Škoda Regionalnog centra Tuzla – vozila u garantnom roku, ocijeni ponuda ponuđača "COSMOS COMMERCE" d.o.o. Tuzla, Drage Karamana br.22, te da se sa istim pristupi zaključenju ugovora.

Prihvatajući prijedlog Komisije odlučeno je kao u dispozitivu ove odluke.

**Pouka o pravnom lijeku:** Ponuđač koji smatra da je ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.

Žalba se podnosi Kancelariji za razmatranje žalbi BiH putem Uprave za indirektno oporezivanje, Ulica Bana Lazarevića bb, Banja Luka, u pisanoj formi u tri primjerka, u roku od 10 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj: 86/14).

**Dostaviti:**

1. 01,
2. 02/1x2,
3. arhiva.

